

vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis, illorum tenores præsentibus pro plene, & sufficienter expressis, ac de verbo ad verbum insertis habentes, illis aliis in suo robore permanens, ad præmissorum effectum, hac vice dumtaxat, specialiter, & expresse derogamus, cæterisque contrariis quibuscumque.

Datum Romæ apud S. Petrum sub Annulo Piscatoris, die 10. Martii 1629. Pontificatus nostri Anno Sexto.

CCXC VIII.

Facultas Episcopo Naulensi a censuris absolvendi Duces, & Governatores Reipublicæ Genuen., quod ipsi pro munitione eius propugnaculi usi sunt glebis ad mensas Saonensem, & Naulensem spectantibus absque Sedis Apostolicæ licentia.

Ven. Fratri Episcopo Naulen.

URBANUS PAPA VIII.

Ven. Frater salutem, & apostolicam benedictionem.

§.1. Exponi Nobis nuper fecerunt dilecti filii Nobiles viri Dux, & Governatores Reipublicæ Januæ, quod ipsi in præsentibus belli motibus, ut Fortalitium Sancti Laurentii, & Solum Sancti Stephani in Vado nuncupat. munirent, glebis absque Sedis Apostolicæ auctoritate acceptis ex bonis partim ad Saonen., & partim ad Naulen. mensas episcopales spectantibus usi fuerunt, censuras, & pœnas ecclesiasticas propterea inflictas incurrendo.

Ab illis cor Pontifex ab. solvit. §.2. Cum autem, sicut eadem exposito subiungebat, ipsi Dux, & Governatores pretium glebarum huiusmodi solvere parati existant, & propterea super illius investimento, ut infra, necnon tam sibi, quam Senatoribus, & aliis, qui in glebarum huiusmodi occupatione, detentione, & alienatione se ingesserunt, de opportuna absolutionis beneficio per Nos provideri summo desiderio; Nos Ducem, & Governatores prædictos specialibus favoribus, & gratis prosequi volentes, & eorum singulares personas a quibusvis excommunicationis, suspensionis, & interdicti, aliisque ecclesiasticis sententiis, censuris, & pœnis a jure, vel ab homine, quavis occasione, vel causa latis, si quibus quomodolibet innodata existant, ad effectum præsentium consequendum, harum serie absolventes, & absolutas fore censentes, supplicationibus illorum nomine Nobis super hoc humiliter porrectis inclinati, de Ven. Fratrum nostrorum S.R.E. Cardinalium negotiis Episcoporum præpositorum consilio, Ducem, & Governatores prædictos;

Dat. die 10. Martii 1629. Anno VI.

De Regest. in Secret. Erev.

Cum propter acceptionem glebarum, Dux, & Governatores in censuras incurserint.

Ab illis cor Pontifex ab. solvit.

Necnon etiam omnes, qui in tali negotio se ingesserunt.

§.3. Necnon Senatores, & alios, qui in dicta occupatione, detentione, & alienatione se ingesserunt, ut præfertur, a quibuscumque censuris, & pœnis ecclesiasticis per eos præmissorum occasione quomodolibet incursis, apostolica auctoritate, tenore præsentium absolvimus, & totaliter liberamus, illisque pœnas huiusmodi gratiose remittimus, & condonamus; Et insuper tibi committimus, & mandamus, ut una cum duobus primis Dignitatibus, vel in illarum defectum antiquioribus Canonicis Ecclesiæ Naulen. ad dicti pretii investimentum huiusmodi procedas.

§.4. Non obstantibus præmissis, ac fel. rec. Pauli Papæ II. Prædecessoris nostri de rebus Ecclesiæ non alienandis, aliisque Constitutionibus, & Ordinationibus Apostolicis, ac Ecclesiæ Saonen., & Naulen. etiam juramento, confirmatione apostolica, vel quavis firmitate alia roboratis statutis, & consuetudinibus, cæterisque contrariis quibuscumque.

Datum Romæ apud Sanctum Petrum sub Annulo Piscatoris die 14. Martii 1629. Pontificatus Nostri Anno VI.

Decret. ob. stantibus.

Dat. die 14. Martii 1629. Anno VI.

CCXCIX.

Confirmatio Privilegiorum Religionis Hierosolymitanæ circa alienationes, & præscriptiones suorum bonorum.

Huius Religionis Privilegia confirmavit Urban. Constit. XLV. Universalis Tom. V. Par. V. fol. 205. qui etiam moderavit Constit. Greg. XV. de Conservatoribus, Constit. LXXXVIII. Exponi, Tom. V. Par. V. f. 77. demum confirmavit Ordinationes pro electione Magni Magistri Const. CCXXXIX. In specula supra fol. 129.

URBANUS PAPA VIII.

Ad perpetuam rei memoriam.

Militantis Ecclesiæ regimini, meritis licet imparibus, divina providentia præfidentes, inter cæteras apostolicæ servitutis curas ei cum peculiari studio invigilamus, ut militarium Ordinum ad Sanctæ Fidei Catholicæ defensionem, & propagationem pie, salubriterque institutorum bona in eisdem Ordinibus conserventur: & propterea ea, quæ a Romanis Pontificibus Prædecessoribus nostris hac in parte sancita, & decreta sunt, ut firmiora, & validiora persistant, apostolicæ confirmationis robore communitus, aliasque disponimus, prout conspicimus in Domino salubriter expedire.

§.1. Alias siquidem fel. recordationis Clemens Papa VIII. Prædecessor noster donationes, concessiones, locationes, investituras, & alias alienationes censuum, reddituum, jurium, jurisdictionum, & bonorum quorumcumque ad Bajulivas, Prioratus, Castellaniam Empostæ, Præceptorias, Domos, Hospitalia, Beneficia, & loca Hospi-

Exordium.

Clem. VIII. edidit Const. de hac materia.

Hospitalis Sancti Joannis Hierosolymitani pertinentium, in illorum lesionem, iacturam, vel detrimentum, etiam per personas dicti Hospitalis, etiam cum renunciationibus, pactis, juramentis, & pœnis desuper impositis, & adjectis, ac instrumentis, & literis desuper confectis, & confirmationibus forsitan inde sequutis, etiam de licentia Sedis Apostolicæ, absque tamen consensu, seu expressa licentia Magni Magistri, & Conventus dicti Hospitalis, quacumque præscriptione, seu longissima pacifica possessione, & detentione non obstantibus, cassavit, revocavit, & annullavit, ac irritavit, nulliusque roboris, vel momenti fore, & pro infectis haberi decrevit, ac census, redditus, iura, jurisdictiones, & bona alienata huiusmodi, ac etiam per quoscumque sæculares occupata, usurpata, & detenta ad jus, & proprietatem dicti Hospitalis, seu illius Bajulivarum, Prioratum, Castellaniæ Empostæ, Præceptoriarum, Dommorum, Hospitalium, & Beneficiorum præfatorum reduxit, illaque in integrum adversus concessiones, donationes, & alias quolibet alienationes prædictas, necnon investituras illarum prætextu quomodolibet quavis auctoritate factas, & concessas in integrum, ac in pristinum, & eum statum, in quo antea erant restituit, reposuit, & plenarie reintegravit, illorumque detentores cujuscumque dignitatis, status, gradus, ordinis, & conditionis existentes ad illorum relaxationem per censuras ecclesiasticas, & alia juris remedia cogi, & compelli posse voluit, & similes alienationes de cætero sub excommunicationis lata sententia, & privationis beneficiorum per eos obtentorum pœnis per contrafacientes eo ipso absque ulla declaratione incurrendis fieri prohibuit, & si fierent, illas viribus omnino carere decrevit. Postmodum vero rec. memor. Pius Papa IV. similiter Prædecessor noster per suas sub Datum Romæ apud Sanctum Petrum Anno Incarnationis Dominicæ MDLX. Kal. Junii, Pontificatus sui anno primo, sub plumbo expeditas literas inter alia cassationem, revocationem, annullationem, decreta, reductionem, restitutionem, reintegrationem, voluntatem, declarationem, & prohibitionem huiusmodi Motu proprio, & ex certa scientia, ac de apostolicæ potestatis plenitudine approbavit, & confirmavit, & alias, prout in dictis literis, quarum tenores præsentibus pro expressis haberi volumus, plenius continetur.

Quam confirmavit Pius Papa IV.

Urbanus prædictas confirmavit Constituciones.

§.2. Cum autem, sicut accepimus, propter malam nonnullorum Præceptorum, seu Commendatariorum dicti Hospitalis administrationem, multa ipsius Hospitalis bona contra illius statutorum, seu stabilimentorum, ac ordinationum capitularium auctoritate apostolicæ confirmatorum, prohibitionisque huiusmodi formam usurpata, & alienata reperiantur: Nos ejusdem Hospitalis indemnitati, ejusque bonorum, ut præfertur, usurpatorum, & alienatorum recuperationi, & conservationi, quantum

cum Domino possumus, providere volentes, motu proprio, & ex certa scientia, ac matura deliberatione nostris, deque apostolicæ potestatis plenitudine prædictas Pii Prædecessoris Literas quoad præmissa emanatas, in iis tamen, quæ præsentibus non adversantur, approbantes, confirmantes, & innovantes, omnes, & quascumque alienationes censuum, reddituum, & bonorum quorumcumque ad Bajulivas, Prioratus, Castellaniam Empostæ, Præceptorias, Domos, Hospitalia, Beneficia, & Loca Hospitalis huiusmodi pertinentium a personis religiosis dicti Hospitalis etiam de licentia dictæ Sedis Apostolicæ sine consensu, vel licentia Magni Magistri, & Conventus huiusmodi, in illorum lesionem, iacturam, vel detrimentum, cum quibusvis renunciationibus, pactis, juramentis, & pœnis desuper appositis, ac instrumentis, & Literis desuper confectis, & confirmationibus desuper a Sede Apostolica subsequutis, ad personarum religiosarum Hospitalis huiusmodi, non autem Regum, vel Principum supplicationem, neque alias motu proprio huiusmodi factas, quacumque præscriptione, seu longissima pacifica possessione, & detentione non obstante, tenore præsentium etiam cassamus, revocamus, & annullamus, ac irritamus, nulliusque roboris, vel momenti fore, & pro infectis haberi decernimus; necnon Bajulivas, Prioratus, Castellaniam Empostæ, Præceptorias, Domos, Hospitalia, & Beneficia prædicta adversus alienationes huiusmodi in integrum, ac in pristinum, & eum, in quo antea erant, statum restituimus, reponimus, & plenarie reintegramus, bonorumque, ut præfertur, alienatorum detentores cujuscumque dignitatis, status, gradus, ordinis, & conditionis existentes ad illorum relaxationem per censuras ecclesiasticas, & alia juris remedia cogi, & compelli posse volumus, & similiter decernimus; Literasque Clementis, & Pii Prædecessorum huiusmodi in, & quoad omnia, & singula præmissa ad præsentium formam, tenorem, & terminos reducimus, ac restringimus, & nihilominus quascumque alienationes bonorum huiusmodi, si quas de cætero a personis religiosis prædictis sine consensu, vel approbatione Magni Magistri, & Conventus prædictorum, etiam de licentia per Nos, seu Romanos Pontifices Successores nostros pro tempore existentes ad Religiosorum, quorumcumque, non tamen Regum, vel Principum supplicationem, seu instantiam, nec alias motu proprio, quæ suam habeant, & fortiantur executionem, & effectum, concedenda fieri contigit, ex nunc prout ex tunc nullas, & invalidas, nulliusque roboris, vel momenti fore, & esse, nullique jus tribuere: præsentibus vero Literas etiam ex eo, quod quicumque in præmissis quomodolibet interesse habentes ad præmissa concedendum, seu concedi videndum vocati non fuerint, aut eisdem præmissis non consenserint, ullo umquam tempore de subreptionis, vel obreptionis vitio, aut intentione

tionis nostrae, vel quopiam alio defectu notari, impugnari, vel invalidari minime posse, sed illas semper, & perpetuo validas, firmas, & efficaces existere, & fore, ac ab omnibus, ad quos spectat, inviolabiliter observari.

Clausulas apponit.

§. 3. Sicque per quoscumque Judices ordinarios, & delegatos, etiam causarum Palatii Apostolici Auditores, & Sanctae Romanae Ecclesiae Cardinales, sublata eis, & eorum cuilibet quavis aliter iudicandi, & interpretandi facultate, & auctoritate, iudicari, & definiti debere, ac irritum, & inane, si quid secus super his a quoquam quavis auctoritate scienter, vel ignoranter contigerit attentari, pariter decernimus.

Quocirca dilectis filiis causarum Curiae Camerae Apostolicae Generali Auditori, ac nostris, & Apostolicae Sedis in Francia, & Hispaniarum Regnis Nunciis per praesentes committimus, & mandamus, quatenus ipsi, seu eorum quilibet eandem praesentes Literas, & in eis contenta quaecumque, ubi, & quando opus fuerit, & quoties pro parte Magni Magistri, Priorum, Bajulivorum, Praeceptorum, Militum, & Fratrum praedictorum, seu alicujus eorum desuper fuerint requisiti, solemniter publicantes, illisque in praemissis efficacis defensionis praesidio assistentes, faciant auctoritate nostra eandem praesentes Literas, & in eis contenta quaecumque firmiter observari, & singulos, quos ipse concernunt, illis pacifice frui, & gaudere. Contradictores quolibet, & rebelles per censuras, & poenas ecclesiasticas, aliaque opportuna juris, & facti remedia, jappellatione postposita, compescendo, invocato etiam ad hoc, si opus fuerit, auxilio brachii secularis.

Contraria tollit.

§. 4. Non obstantibus, quatenus opus sit, ejusdem Clementis, & Pii Praedecessorum Literis, necnon recolenda memoriae Bonifacii Papae VIII. similiter Praedecessoris nostri de una, & in Concilio generali edita de duabus dietis, dummodo ultra tres dietas aliquis auctoritate praesentium in iudicium non trahatur, & quibusvis aliis Constitutionibus, & Ordinationibus Apostolicis, ac etiam legibus juramento, confirmatione apostolica, vel quavis firmitate alia roboratis statutis, & consuetudinibus, contractibus, & instrumentis, privilegiis quoque, indultis, & Literis Apostolicis quibusvis sub quibuscumque tenoribus, & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, ac irritantibus, & aliis decretis in genere, vel in specie, ac alias in contrarium praemissorum quomodolibet concessis, confirmatis, & innovatis. Quibus omnibus, & singulis, etiam pro illorum sufficienti derogatione de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia expressio habenda foret, illorum tenores praesentibus pro sufficienter expressis habentes, illis alias in suo robore permanens, hac vice dumtaxat spe-

cialiter, & expresse derogamus, ceterisque contrariis quibuscumque.

§. 7. Volumus autem, quod praesentium transumptis, etiam impressis, manu alicujus Notarii publici subscriptis, & sigillo personae in dignitate ecclesiastica constitutae munitis, eadem prorsus ubique fides in iudicio, & extra adhibeatur, quae ipsis praesentibus adhiberetur, si forent exhibita, vel ostensa.

Datum Romae apud Sanctum Petrum sub Annulo Piscatoris, die 15. Martii 1629. Pontificatus nostri Anno VI.

Dat. die 15 Martii 1629. An. VI.

CCC. Religiosi Soc. Jesu non possunt uti facultate literarum Sanctae Cruciae, nec eligere alium Confessarium, quam assignatum a suis Superioribus.

URBANUS PAPA OCTAVUS

Ad perpetuam rei memoriam.

Romanus Pontifex ad ea sollicitudinis suae partes intendere debet, per quae Religiosorum status in pace, & quiete tutius conservetur.

Exordium.

§. 1. Sane cum ratio doceat, & experientia compertum sit, Religionibus valde perniciosum existere, ut eorum Religiosis licitum sit Confessarium sibi eligere, & licet fel. rec. Gregorii XIII., ac Clementis VIII., & Gregorii XV. Romani Pontifices Praedecessores nostri per suas in forma Brevis literas expresse prohibuerint, ne Religiosi Societatis Jesu facultatibus Cruciae Sanctae uti absque Superiorum suorum licentia valerent.

Indicat concessiones alias factas a Gregorio XIII., Clem. VIII., & Greg. XV.

§. 2. Nihilominus quia nonnulli existimant ex clausulis literarum dictae Cruciae cuicumque ipsius Societatis privilegio derogari, & propterea ipsis Religiosis hujusmodi facultatibus uti licitum esse, speciali ad hoc nostro, & Apostolicae Sedis opportuno remedio necesse sit;

Assignat causas hujus nova Constit.

§. 3. Nos pro nostri pastoralis muneris debito, ea quae ipsius Societatis quieti, & pacifico statui, ac debite Superioribus obedientiae conservandae, opportuna esse cognoscimus, salubriter providere volentes, Motu proprio, & ex certa scientia, meraque deliberatione nostra, ac de apostolica potestatis plenitudine, hac nostra perpetuo valitura Constitutione sancimus, nulli Religiosorum ejusdem Societatis licere facultatibus Cruciae hujusmodi in quacumque mundi parte publicata, vel publicanda, quoad eligendum Confessarium, & obtinendam absolutionem a casibus reservatis uti, nec eis quoad hanc eligendi Confessarium, & obtinendam absolutionem praedictam facultatem Cruciae hujusmodi suffragari, minusque praesentes Literas sub quibuscumque ejusdem Cruciae concessionibus, extensionibus, prorogationibus, & confirmationibus factis, & pro tempore quomodolibet faciendis comprehendere.

Declaratio, de qua in Rubr.

Sicque,

§. 4. Sicque per quoscumque Judices ordinarios, & delegatos, sublata eis, & eorum cuilibet, quavis aliter iudicandi, & interpretandi facultate, & auctoritate, iudicari, & definiti debere, ac irritum, & inane, si secus super his a quoquam, quavis auctoritate scienter, vel ignoranter contigerit attentari, decernimus.

Obstantia tolluntur.

§. 5. Non obstantibus praemissis, ac quibuscumque Constitutionibus, & Ordinationibus Apostolicis, statutis quoque, & consuetudinibus, etiam juramento, confirmatione apostolica, vel quavis firmitate alia roboratis, ceterisque contrariis quibuscumque.

Fides transumptorum.

§. 6. Volumus autem, ut praesentium transumptis etiam impressis, manu Secretarii Societatis, vel Notarii publici subscriptis, & sigillo ejusdem Societatis, vel personae in dignitate ecclesiastica constitutae munitis eadem prorsus fides ubique adhibeatur, quae ipsis praesentibus adhiberetur, si forent exhibita, vel ostensa.

Dat. die 31. Martii 1629. An. VI.

Datum Romae apud Sanctum Petrum, sub Annulo Piscatoris, die ultima Martii 1629. Pontificatus nostri Anno VI.

CCCL.

Confirmatio Decreti Congregationis Rituum super usus Baldachini, & assistentiarum, & aliorum Ministrorum pro Abbatibus Congregationis Olivetanae Ordinis S. Benedicti.

Ista Congregatio approbata fuit primo a Joanne XXII. ut in ejus Const. XXXVI. Cum a Nobis. Tom. III. Par. II. fol. 191. Sed ejus materiam vide ad Clem. VI. Const. III. Sollicitudinis. ibid. fol. 294.

URBANUS PAPA VIII.

Ad perpetuam rei memoriam.

A S. Congr. Rituum nuper emanavit Decretum, prout hic subjungitur.

Exponi Nobis nuper fecit dilectus filius Silvius Favilla de Neapoli Procurator Generalis Congregat. Monachorum Montis Oliveti, quod nuper a Venerabilibus Fratribus nostris Sanctae Romanae Ecclesiae Cardinalibus, Sacris Ritibus Praepositis, emanavit Decretum tenoris subsequentis, videlicet: Instante Patre Don Silvio Favilla de Neapoli Procuratore Generali Congregationis Monachorum Montis Oliveti, nomine Abbatis ejusdem Congregationis, ut attentata antiquissima consuetudine solemniter cum Baldachino, & Assistentibus in eorum Ecclesiis celebrandi, recederetur, quoad eos a decretis aliis hac de re editis in causis Firmana 28. Januarii 1606., & in Neapolitana 18. Martii 1617. Sacra Rituum Congregatio, saepius audito eodem Procuratore Generali, & rationibus ab eo deductis mature consideratis, Illustrissimo, & Reverendissimo Domino Cardinali Casarino referente, censuit, & declaravit, in hac parte recedendum esse a dictis Sacrae Bull. Rom. Tom. VI. Par. I.

Congregationis decretis, & licere Abbatibus Olivetanis solemniter, in tribus tantum Anni festivitibus, celebrantibus, uti Baldachino, sine auro tamen, & pompa: necnon assistentia unius Presbyteri, & duorum Diaconorum, ac aliorum sex, ad summum, Monachorum sacris indumentis coloris solemnitati convenientis paratorum, ultra Diaconum, & Subdiaconum, qui in Missa cantaturi sunt Evangelium, & Epistolam: ita ut iidem Abbates nullo modo teneant Sedem Abbatialem fixam, & permanentem prope Altare, ut Sedes Episcopalis retineri consuevit: sed eorum Sedes retineatur in Ecclesia, iis tantummodo diebus, quibus solemniter celebratur, & dicti sex Monachi, ut supra parati, non in Sedi-bus Choralibus, sed super Scabellis sedeant, in situ congruo, juxta Ecclesiarum convenientem situm tunc appositis, panno laneo coopertis: dictis Sacrae Congregationis Decretis in causa Firmana, & Neapolitana editis aliis in suo robore permanentibus. Die 17. Martii 1629.

Ad instantiam Procur. Gen. hujus Congre.

§. 2. Cum autem, sicut eadem expositio subungebat, Silvius praefatus plurimum cupiat, Decretum hujusmodi, pro firmiori illius subsistentia, inviolabilique observatione, apostolicae nostrae confirmationis robore communiti.

Approbat.

§. 3. Nos specialem illi gratiam facere volentes, eumque a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis, a jure, vel ab homine quavis occasione, vel causa latis, si quibus quomodolibet innodatus existit, ad effectum praesentium dumtaxat consequendum, harum serie absolventes, & absolutum fore censentes: supplicationibus dicti Silvii, ejusdem Congregationis nomine, Nobis super hoc humiliter porrectis, inclinati, decretum praesentium hujusmodi cum omnibus in eo contentis, apostolica auctoritate, tenore praesentium perpetuo approbamus, & confirmamus, illique inviolabilis apostolicae firmitatis robur adjicimus: ac omnes, & singulos, tam juris, quam facti defectus, si qui desuper quomodolibet intervenerint, supplemus.

§. 4. Decretum hujusmodi, necnon praesentes Literas valida, firma, & efficacia esse, & fore, suosque plenarios, & integros effectus sortiri, & obtinere.

Clausula praeservativa.

§. 5. Atque ita per quoscumque Judices ordinarios, & delegatos, etiam causarum Palatii Apostolici Auditores, iudicari, & definiti debere: ac irritum, & inane, si secus super his a quoquam, quavis auctoritate scienter, vel ignoranter contigerit attentari, decernimus, & declaramus.

§. 6. Non obstantibus Constitutionibus, & Ordinationibus Apostolicis, ceterisque contrariis quibuscumque.

Contraria remouentur.

§. 7. Volumus autem, quod praesentium transumptis, etiam impressis, manu alicujus Notarii publici subscriptis, & sigillo personae, in dignitate ecclesiastica constitutae, munitis, eadem prorsus ubique fides adhibeatur, quae ipsis praesentibus adhiberetur, si forent exhibita, vel ostensa.

Exemplis data fides.

Dat. die 4.
Aprilis 1629.
An. VI.

beatur, quæ ipsi presentibus adhiberetur, si forent exhibita, vel ostensa.
Datum Romæ apud Sanctum Petrum sub Annulo Piscatoris, die 4. Aprilis 1629. Pontificatus nostri Anno VI.

CCCII.

Ex Regest. in Secret. Brev.

Episcopus Maceratenis absente Principe Masserani deputatur Gubernator ad Sedis Apostolicæ beneplacitum cum facultate quamcumque in eodem Principatu Jurisdictionem exercendi.

Dilecto filio Jacobo Crispo Maceraten.

URBANUS PAPA OCTAVUS

Dilecte fili salutem, & apostolicam benedictionem.

Exordium.

Tuis in Nos, & hanc Sanctam Sedem fidei, & devotionis, necnon integritate, doctrina, & rerum gerendarum usu, aliisque laudabilibus virtutum tuarum meritis inducimur, ut te rei, quæ Nobis maxime cordi est, administranda, libenter præficiamus, firma spe in Domino freti, te juxta datam tibi a Domino prudentiam desiderio nostro cumulate satisfacturum.

Franciscus Philibertus Princeps Masserani Minitros suos in locis sibi subiectis tuto mittere non potest.

§.1. Cum itaque, sicut accepimus dilectus filius nobilis Vir Franciscus Philibertus Ferrerius Eliscus Princeps Masserani Vercell. Diocesis ob diffensiones, seu differentias inter eum, & Universitates, & Homines locorum dicti Principatus, ab eodem Principatu, qui Feudum Sanctæ Romanæ Ecclesiæ existit dudum absens sit, nec Officiales, seu Minitros suos, qui ipsius Principatus regimine, & gubernio intendant, tuto mittere valeat.

Episcopus Maceratenis deputatur Gubernator.

§.2. Nos ne propterea dictus Franciscus Philibertus Princeps, ejusque Jurisdictionis, ac Universitates, & Homines Oppidorum, seu Locorum sub dicto Principatu comprehensorum, aliqua propterea detrimenta patiantur, simulque prospero illorum regimini, & gubernio, quantum cum Domino possumus, consulere volentes, motu proprio, & ex certa scientia, ac matura deliberatione nostris, Te dicti Principatus, ac Terrarum, Oppidorum, Castrorum, Arcium, & Fortalitiorum, ac Locorum quorumcumque, etiam speciali nota, & expressione dignorum in, & sub dicto Principatu quomodolibet comprehensorum, Gubernatorem cum omnibus, & singulis facultatibus, auctoritate, jurisdictione, honoribus, oneribus, provisione, salariis, & emolumentis solitis, & consuetis, & cum facultate in Marchionatu Crepacorii, & aliis Castris, seu locis sub illo comprehensis Prætozem, in illisque, ac dicto Principatu, aliisque locis infra expressis quoscumque alios Officiales, & Minitros, etiam speciali nota, & expressione dignos ad tui nutum amovibiles pro iustitia administranda, constituendi, & deputandi, ad

nostrum, & Sedis Apostolicæ beneplacitum, apostolica auctoritate, tenore presentium facimus, constituimus, & deputamus, Tibique per presentes committimus, & mandamus, ut quam primum fieri poterit ad Principatum hujusmodi personaliter te conferas, necnon in Principatu, Terris, Oppidis, Castris, Arcibus, Fortalitiis, & locis prædictis quamcumque Jurisdictionem civilem, criminalem, & mixtam nostro, & Apostolicæ Sedis nomine exerceas, aliaque omnia, & singula, quæ pro felici Principatus, Oppidorum, Terrarum, Castrorum, Arcium, Fortalitiorum, & locorum prædictorum, earumque Universitatum, & Hominum gubernio, prosperoque regimine necessaria fuerint, seu quomodolibet opportuna facias, dicas, geras, & exequaris, super quibus omnibus, & singulis plenam, liberam, & amplam facultatem, & auctoritatem, auctoritate, & tenore prædictis concedimus, & impertimur.

§.3. Mandantes propterea in virtute sanctæ obedientiæ, ac sub indignationis nostræ, necnon rebellionis, ac etiam excommunicationis lætæ sententiæ penis omnibus, & singulis Principatus, Terrarum, Oppidorum, Castrorum, Arcium, Fortalitiorum, & Locorum prædictorum, Universitatibus, Hominibus, & Personis, Prætoribus, Capitaneis, Castellanis, Magistratibus, & aliis Officialibus, ut Te in Gubernatorem hujusmodi, juxta tenorem presentium recipiant, Tibique pareant, favcant, & assistant, Tuque iussa, monita, & mandata, ea, quæ decet obedientiæ, & fide exequantur, & adimpleant, alioquin sententiam, sive penam, quam rite tuleris, seu statueris in rebelles ratam habebimus, & faciemus, auctore Domino usque ad satisfactionem condignam inviolabiliter observari.

§.4. Non obstantibus quibusvis Constitutionibus, & Ordinationibus Apostolicis, ac quatenus opus sit dicti Principatus, etiam juramento, confirmatione apostolica, vel quavis firmitate alia roboratis statutis, & consuetudinibus, ceterisque contrariis quibuscumque.

§.5. Volumus autem, quod de officio Gubernatoris hujusmodi recte, & fideliter exercendo, ac de non recipiendo aliquod genus muneris, præter esculenta, & poculenta, quæ triduo consumi possint, in manibus nostri, & ejusdem S. R. E. Camerarii debitum præstes in forma solita juramentum.

Datum Romæ apud S. Petrum sub Annulo Piscatoris die 18. Aprilis 1629. Pontificatus nostri Anno VI. (a)

(a) Hac eadem die, Literisque ejusdem exempli Pontifex deputavit Prætozem Marchionatus Crepacorii, & aliorum Castrorum, seu Locorum sub eodem Marchionatu comprehensorum, quæ etiam sunt Feuda Sanctæ Romanæ Ecclesiæ.

Atque omnibus Universitatibus, & locis, ut illi pareant, mandatur.

Contrariis derogatur.

Gubernator nihil recipere, præter esculenta, & poculenta potest.

Dat. die 18. Aprilis 1629. An. VI.

Ex Regest. in Secret. Brev.

Cardinali de Richelieu absolvendi Hæreticos Regni Franciæ facultas conceditur.

Dilecto filio nostro Armando Joanni Sanctæ Romanæ Ecclesiæ Presbytero Cardinali de Richelieu nuncupato.

URBANUS PAPA OCTAVUS

Dilecte fili noster salutem, & apostolicam benedictionem.

Facultas, de qua in Rubrica.

Cum ad salutem animarum Regni Franciæ maxime pertinere existimemus, si circumspectioni Tuæ hæreticos poenitentes, & ad gremium Sanctæ Romanæ Ecclesiæ redeuntes recipiendi, & absolvendi facultatem concedamus; Nos, qui pro pastoralis munere id unum procurare tenemur, ut hæreticæ pravitate errores ex hominum mentibus evellantur, & si quæ oves a veritatis semita deviarunt, in viam salutis revocentur, necnon de singulari pietate, prudentia, religionis zelo, aliisque eximiis virtutibus, quibus illarum largitor Altissimus personam Tuam multipliciter insignivit, plurimam in Domino fiduciam habentes, de Venerabilium Fratrum nostrorum Sanctæ Romanæ Ecclesiæ Cardinalium, generalium adversus hæreticam pravitatem Inquisitionum a Sancta Sede Apostolica specialiter deputatorum consilio, Tibi, ut ad decennium proximum tantum, quoscumque Regni Franciæ, illiusque Provinciarum, & Dominiorum eidem Regno subsectorum ad Te recurrentes utriusque sexus, tam laicos, quam clericos, & cujusvis ordinis regulares, hæreticos, schismaticos, & a fide catholica apostatas, atque aberrantes non tamen Italos, aut alios apud quos viget Sacrum Inquisitionis officium in judicio delatos, & condemnatos ab hæresibus, apostasia, & schismate, nec excommunicationis, suspensionis, & interdicti, aliisque ecclesiasticis sententiis, censuris, & penis, quas propter hæreses, & excessus hujusmodi quomodolibet incurrerunt, dummodo corde sincero, & fide non ficta, hæreses, schismata, & errores hujusmodi coram Notario, & testibus publice, vel privatim, prout casus exegerit, ac Tibi visum fuerit, detestati fuerint, anathematizaverint, & objuraverint, ac se in gremium Sanctæ Matris Ecclesiæ recipi, & admitti humiliter postulerint, & præfatis per eos jurejurando promiserint, quod talia deinceps non committent, neque committentibus præstabunt auxilium, consilium, vel favorem in forma ejusdem Romanæ Ecclesiæ consueta, in utroque foro, necnon quibusvis criminibus, excessibus, & delictis, etiam in casibus Sedi Apostolicæ reservatis, etiam in Literis die Cœnæ Domini legi solitis contentis, injuncta eis, & eorum cuilibet pro modo culpæ poenitentia salutari, & aliis injungendis, prout eorum saluti expedire cognoveris, in foro conscientiæ dumtaxat auctoritate nostra.

stra absolvere, & liberare, eoque gremio ejusdem Sanctæ Romanæ Ecclesiæ, & unioni fidelium reconciliare, cæteraque in præmissis necessaria, & opportuna facere, dicere, gerere, & exequi libere, & licite possis, & valeas, apostolica auctoritate, tenore presentium facultatem, & auctoritatem concedimus, & impertimur.

§.3. Non obstantibus Constitutionibus, & Ordinationibus Apostolicis, ceterisque in contrarium facientibus quibuscumque.

Datum Romæ apud Sanctam Mariam Majorem sub Annulo Piscatoris, die quarta Maii 1629. Pontificatus nostri Anno VI.

Derogatio contrariorum

Datum die 4. Maii 1629. An. VI.

CCCIV.

Prohibitio, ne Ecclesiastici, tam seculares, quam regulares Neapolitan., nec in adibus suis, nec in Ecclesiis, vel earum ambitu, lectiones legum, Medicinæ, vel aliarum artium liberalium Ecclesiasticis prohibitarum legant.

Ex Regest. in Secret. Brev.

URBANUS PAPA VIII.

Ad futuram rei memoriam.

Inter cæteras apostolicæ servitutis curas, in illam jugiter incumbimus, ut publica Gymnasia ad juventutem liberalium artium disciplinis excolendam instituta, feliciter dirigantur, quapropter ea, quæ felici eorum directioni obesse, aut impedimento esse possent, quantum in Nobis est, removemus, & prohibemus, in hocque sollicitudinis nostræ partes libenter interponimus, prout conspiciamus in Domino salubriter expedire.

Exordium.

§.1. Cum itaque, sicut pro parte dilecti filii nobilis viri Antonii Fernandez de Toledo Ducis de Alva Regni Neapolis Proregis, Nobis nuper expositum fuit, ipse pro felici publicorum Studiorum Civitatis Neapolitan. directione per Nos, ut infra provideri summopere desideret, Nos ejusdem Antonii Ducis, & Proregis votis in præmissis, quantum cum Domino possumus, annuere, prosperoque, & felici eorumdem Studiorum regimini, & gubernio consulere volentes, supplicationibus dicti Antonii Ducis, & Proregis nomine, Nobis super hoc humiliter porrectis, inclinati: Ne in Civitate Neapolitan. Ecclesiastici, tam seculares, quam cujusvis Ordinis, & Instituti regulares, absque Sedis Apostolicæ licentia in adibus suis, nec in Ecclesiis, aut in Ecclesiarum ipsarum ambitu, nec in Monasteriis, aut Domibus Regularibus, Legum, Medicinæ, vel aliarum Artium liberalium, Ecclesiasticis a jure prohibitarum, lectiones legant, neque per quemcumque, & coram quibuscumque legi permittant, præsertim tempore, quo eadem lectiones in publicis Scholis dictæ Civitatis publice legentur, sub excommunicationis, & aliis per modernum, & pro tempore existentem nostrum, & dictæ Sedis Nuntium in Regno

Prohibitio de qua in Rubrica.

Neapolis pro tempore commoran., infligendis, seu declarandis poenis, cui opportunam ad hoc tribuimus facultatem, apostolica auctoritate, tenore presentium interdicens, & prohibemus.

Derogatio contrariorum

§.2. Non obstantibus Constitutionibus, & Ordinationibus Apostolicis, & quibusvis, etiam juramento, confirmatione apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis, in contrarium praemissorum quomodolibet concessis, confirmatis, & innovatis. Quibus omnibus, & singulis illorum tenores praesentibus pro plene, & sufficienter expressis habentes, illis aliis in suo robore permanentibus, hac vice dumtaxat specialiter, & expresse derogamus, ceterisque contrariis quibuscumque.

Per servatio Lectionum, Theologiae, & aliarum liberalium ecclesiasticis permittitur.

§.3. Per praesentes autem Lectiones Sacrae Theologiae, aliarumque liberalium artium Ecclesiasticis permittitur, quae etiam per laicos in eisdem aedibus, seu ambitu Ecclesiarum, vel in Monasteriis, seu Domibus regularibus, aut alibi pro servitio, etiam Ecclesiasticorum, & privatim legerentur, nullatenus intendimus prohibere.

Transumptis danda fides.

§.4. Volumusque, quod earundem praesentium transumptis, etiam impressis, manu alicujus Notarii publici subscriptis, & sigillo dicti Nuntii munitis, eadem prorsus fides in iudicio, & extra habeatur, quae ipsis praesentibus haberetur, si forent exhibitae, vel ostensa.

Datum die 9. Maii 1629. An. VI.

Datum Romae apud Sanctam Mariam Majorem sub Annulo Piscatoris, die nona Maii 1629. Pontificatus nostri Anno VI.

CCC.V.

Quod Priores Generales Ordinis Eremitarum Sancti Augustini utentes aliqua facultate, seu concessione a Sede Apostolica per literas obtenta, in patentium literarum expeditionibus, earum tenores de verbo ad verbum inserant; Neque ullo pacto quibusdam clausulis Oraculum sapientibus in huiusmodi expeditionibus post hac uti audeant.

Ipsius Ordinis materiam habes sup. ad Constitut. XXIX. Licet. Alex. IV. Tom. III. f. 373. Alia vero quae ibi non habes tamquam posterioris edita vide in hujus Pont. Constitut. CXXII. Romanus. Tom. V. Par. V. fol. 325.

Vivae vocis oraculo omnia revocavit, praeter ea, quae facta fuerunt Sanctae Romanae Ecclesiae Cardinalibus, & eorum manu firmata Greg. XV. in Constit. LXIII. Romanus. ibidem fol. 37.

URBANUS PAPA VIII.

Ad futuram rei memoriam.

Exordium.

Commissi Nobis per abundantiam divinae gratiae pastoralis officii debitum

postulat, ut in his, per quae Regularium personarum paci, & quieti consulitur, liti- busque, & discordiis obviamur, ejusdem officii partes, etiam per opportuna declarationis ministerium interponamus, prout conspiciamus in Domino salubriter expedire.

Causae propter quas.

§.1. Cum itaque sicut dilecti filii Priores Provinciales Ordinis Fratrum Eremitarum Sancti Augustini Hispaniarum, & Indiarum, Nobis nuper exponi fecerunt, a decennio circa dilecti filii modernus, & alii Priores Generales Ordinis praedicti, qui pro tempore fuerunt in eorum patentibus literis, quibusdam clausulis oraculum sapientibus nimirum facto verbo cum Romano Pontifice, sive auctoritate apostolica Nobis ad hoc specialiter commissa, aliisque similibus, quando scilicet suarum literarum patentium, expeditionibus, seu concessionibus, quin effectum sortiantur Literae Apostolice, obstant uti coeperint, ex hoc autem quamplurimae lites, & discordiae, ac scandala orta jam sint, & in dies orientur.

Urbanus declarat modernos, & alios Priores hujus Ordinis non habuisse, neque habere a Rom. Pont. vivae vocis oraculum.

§.2. Nos inconvenientibus huiusmodi opportuna declarationis nostrae remedio obviam ire volentes, Motu proprio, & ex certa scientia, ac maiore deliberatione nostrae apostolica auctoritate, tenore praesentium decernimus, & declaramus, modernum, & alios dicti Ordinis Priores generales vivae vocis oraculum a Nobis, & pro tempore existente Romano Pontifice nequam habuisse, neque habere.

Acque ita ab omnibus censeri, & observari; atque ita per quoscumque Judices ordinarios, & delegatos, etiam causarum Palatii Apostolice Auditorum, ac Sanctae Romanae Ecclesiae Cardinales, ac Sedis Apostolicae Nuntios iudicari, & definiri debere, ac irritum, & inane, si secus super his a quoquam, quavis auctoritate scienter, vel ignoranter contigerit attentari.

§.3. Sicque, & non aliter, ab omnibus censeri, & observari; atque ita per quoscumque Judices ordinarios, & delegatos, etiam causarum Palatii Apostolice Auditorum, ac Sanctae Romanae Ecclesiae Cardinales, ac Sedis Apostolicae Nuntios iudicari, & definiri debere, ac irritum, & inane, si secus super his a quoquam, quavis auctoritate scienter, vel ignoranter contigerit attentari.

Inhibet, ne de caetero huiusmodi clausulis oraculum sapientibus utantur sub poena ipsa facta, ut hic incurrendis.

§.4. Inhibentes propterea in virtute sanctae obedientiae ac sub officii Prioris, seu Vicarii Generalis, vocisque activae, & passivae privationis, necnon excommunicationis majoris latae sententiae ipso facto incurrendae, ac aliis arbitrii nostri poenis, ne de caetero perpetuis futuris temporibus modernus, & pro tempore existens Prior, seu Vicarius Generalis dicti Ordinis, praedictis, vel aliis equipollentibus clausulis in eorum patentibus literis uti ullo modo audeant, seu praesumant.

Modum utendi facultatibus ab Apostolica Sede obtentis in suarum patentium expeditionibus praescribit.

§.5. Sed si eos aliqua facultate, seu concessione apostolica Motu proprio concessa, vel ab eis jam obtenta uti oportuerit, Literas nostras, & Romani Pontificis pro tempore existentis desuper expeditas, scilicet earum tenores de verbo ad verbum integre in suis patentibus literis inserant, alias firmis remanentibus poenis praedictis eorum literae patentes huiusmodi nullae sint eo ipso.

Contraria prohibet observare.

§.6. Non obstantibus Constitutionibus, & Ordinationibus Apostolicis, ac quatenus opus sit dicti Ordinis, & quibusvis aliis etiam juramento confirmatione apostolica, vel

vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis eidem Ordini, illiusque Priori Generali, & quibusvis aliis sub quibuscumque tenoribus, & formis, ac cum quibusvis clausulis, & decretis in contrarium quomodolibet concessis, confirmatis, & innovatis. Quibus omnibus, & singulis, eorum omnium tenores praesentibus pro plene, & sufficienter expressis habentes, illis aliis in suo robore permanentibus, hac vice dumtaxat specialiter, & expresse derogamus, ceterisque contrariis quibuscumque.

Hujus Bullae exemplis cre- di mandata.

Datum die 17. Maii 1629. An. VI.

§.7. Volumus autem, quod praesentium transumptis etiam impressis, manu alicujus Notarii publici subscriptis, & sigillo alicujus personae in dignitate ecclesiastica constitutae munitis eadem prorsus fides ubique adhibeatur, quae ipsis praesentibus adhiberetur, si forent exhibitae, vel ostensa.

Datum in Arce Candulphi Albanensis Dioecesis, sub Annulo Piscatoris die 15. Maii 1629. Pontificatus Nostri Anno VI.

CCC.VI.

Prohibitio imposterum concedendi exemptiones Officiorum, & praesertim ea, quibus Fratres Provinciales, Definitores, aut Visitatores, vel Praedicatorum Majorum nuncupati Ordinis Eremitarum Sancti Augustini gaudent, Fratres ejusdem Ordinis, qui ea numquam exercuerunt, absque Sedis Apostolicae expressa licentia.

De hoc Ordine vide in Constit. CXXII. Romanus, Tom. V. Par. V. fol. 325.

URBANUS PAPA VIII.

Ad futuram rei memoriam.

Exordium.

Inter caeteras apostolicae servitutis curas, quibus circa universalis Ecclesiae regimen assidue premimur, ea Nos praecipue sollicitus habet, ut personae regulares divini numinis obsequiis sub suavi religionis iugo mancipatae, juxta regularia earum instituta in pacis amenitate salubriter regantur, & gubernentur, & propterea, si quae earum felici gubernio obesse, aut in earum regularis disciplinae observantia aliquod detrimentum vergere cognoscimus, ea, quantum cum Domino possumus removeamus, & prohibemus, prout conspiciamus in Domino salubriter expedire.

Causae hujus Constitutionis

§.1. Cum itaque sicut dilecti filii Priores Provinciales Provinciarum, tam Hispaniarum, quam Indiarum Occidentalium Ordinis Fratrum Eremitarum Sancti Augustini Nobis nuper exponi fecerunt, regularis disciplinae observantia in eodem ordine a nonnullis annis circa plurimum defecerit, praesertim ab eo tempore, quo ejusdem Ordinis Priores Generales nimia facilitate, & nullo habito respectu concedunt exemptiones officiorum dicti Ordinis

Fratribus, qui ea numquam exercuerunt, unde infinitae confusiones, & discordiae oriuntur, eo quod eadem exemptiones Fratribus, ut plurimum, minus benemeritis eas favoribus, & aliis modis extorquentibus, conceduntur, quandoquidem rationi consentaneum minime videatur, ut aliquis religiosus officii, quod nunquam exercuit exemptionibus gaudeat aequae, ac illi, qui illud exercuerunt, dilectus vero filius modernus dicti Ordinis Prior Generalis, ut asserunt, multis Fratribus dicti Ordinis qui nunquam Provinciales fuerunt, ut Provincialium absolutorum, aliis vero qui nunquam Definitores extiterunt, ut Definitorum, & aliis, qui nunquam verbum Dei praedicaverunt, ut ejusdem verbi Dei Praedicatorum exemptionibus gaudeant, concessit, & indulgit.

Prohibitio, de qua in Rubr.

§.2. Nos inconvenientibus huiusmodi, quantum cum Domino possumus occurrere volentes, supplicationibus eorumdem Provincialium nomine Nobis, super hoc humiliter porrectis, inclinatis Ne de caetero praedictus modernus, & pro tempore existens dicti Ordinis Prior, seu Vicarius Generalis exemptiones officiorum ulli dicti Ordinis professori, qui ea prius non exercuerit, & praesertim eas exemptiones quibus illi, qui Provinciales, Definitores, aut Visitatores, vel Praedicatorum majores nuncupati fuerunt, gaudent, absque expressa Sedis Apostolicae licentia concedere audeat, seu praesumat, sub poena excommunicationis ipso facto incurrendae, ac privationis vocis activae, & passivae, & suspensionis ab officio apostolica auctoritate, tenore praesentium interdicens, & prohibemus. Decernentes nihilominus irritum, & inane si secus super his a quoquam, quavis auctoritate scienter, vel ignoranter contigerit attentari.

Contraria tolluntur.

§.3. Non obstantibus Constitutionibus, & Ordinationibus Apostolicis, ac dicti Ordinis etiam juramento, confirmatione apostolica, vel quavis firmitate alia roboratis statutis, & consuetudinibus, privilegiis quoque, indultis, & Literis Apostolicis eidem Priori, seu Vicario Generali, & aliis in contrarium praemissorum quomodolibet concessis, confirmatis, & innovatis. Quibus omnibus, etiam pro illarum sufficienti derogatione de illis, eorumque totis tenoribus, specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, eorum tenores praesentibus pro plene, & sufficienter expressis habentes, illis aliis in suo robore permanentibus, hac vice dumtaxat specialiter, & expresse derogamus, ceterisque contrariis quibuscumque.

Hujus Bullae exemplis danda fides.

§.4. Volumus autem, ut praesentium transumptis, etiam impressis, manu alicujus Notarii publici subscriptis, & sigillo personae in dignitate ecclesiastica constitutae munitis, eadem prorsus ubique fides adhibeatur, quae ipsis praesentibus adhiberetur, si forent exhibitae, vel ostensa.

Datum

Datum Romæ apud S. Mariam Majori sub Annulo Piscatoris die 25. Maii 1629. Pontificatus nostri Anno VI.

CCCVII.

Ex Regest. in Secret. Breu.

Facultatibus Cruciatæ eligendi Confessarium, & obtinendi absolutionem a casibus reservatis uti non possunt Monachi Ordinis Sancti Benedicti Congregationis Portugallia.

URBANUS PAPA VIII.

Ad perpetuam rei memoriam.

Exordium.

Romanus Pontifex ad ea sollicitudinis suæ partes intendere debet, per quæ Religiosorum status in pace, & quiete tutius conservetur.

Monachi Congregat. Portugallia Confessarios sibi eligunt, qui a casibus reservatis eos absolvant vigore privilegiorum Cruciatæ.

Quod effecti non possit declarat Pontifex.

§.1. Cum itaque, sicut dilectus filius modernus Abbas Gener. Monachorum Ord. S. Benedicti Congregationis Portugallia, Nobis nuper exponi fecit, Monachi d. Congregationis in vim facultatum Cruciatæ Sanctæ, Confessarios sibi eligant, qui eos a casibus reservatis absolvant, non sine gravi regularis disciplina detrimento.

§.2. Nos pro nostro Pastoralis muneris debito, ad ea, quæ ipsius Congregationis felici regimini, & gubernio, ac quieto, & pacifico statui esse cognoscimus opportuna, intenti, supplicationibus dicti Abbatis Generalis nomine, Nobis super hoc humiliter porrectis, inclinati, nulli Religiosorum dictæ Congregationis licere facultatibus Cruciatæ huiusmodi, in quacumque Mundi parte publicare, vel publicari, quoad eligendum Confessarium, & obtinendam absolutionem prædictam, facultates Cruciatæ huiusmodi suffragari, minusque præfentes Literas, sub quibuscumque eisdem Cruciatæ concessionibus, extensionibus, prorogationibus, & confirmationibus factis, & pro tempore quomodolibet faciendis comprehendendi;

Clausulas apponit.

§.3. Sicque per quoscumque Iudices Ordinarios, & Delegatos, etiam causarum Palatii Apostolici Auditores, sublata eis, & eorum cuilibet, quavis aliter iudicandi, & interpretandi facultate, & auctoritate iudicari, & definiti debere, ac irritum, & inane, si secus super his a quoquam, quavis auctoritate, scienter, vel ignoranter contigerit attentari.

Derogat obstantibus.

§.4. Non obstantibus præmissis, ac quibuscumque Constitutionibus, & Ordinationibus Apostolicis, statutis quoque, & consuetudinibus, etiam iuramento, confirmatione apostolica, vel quavis firmitate alia roboratis, ceterisque contrariis quibuscumque.

Transumptis cædi mandat.

§.5. Volumus autem, ut presentium transumptis, etiam impressis, manu alicuius Notarii publici subscriptis, & sigillo personæ in ecclesiastica dignitate constitutæ

munitis, eadem prorsus fides ubique habeatur, quæ ipsis presentibus haberetur, si forent exhibitæ, vel ostensæ.

Datum Romæ apud S. Mariam Majori, sub annulo Piscatoris die 30. Maii 1629. Pontificatus nostri Anno Sexto.

Dat. die 30. Maii 1629. An. VI.

CCCVIII.

Exemptio concessa Clericis Regularibus Pauperum Matris DEI Scholarum Piarum à processionibus, & aliis actibus publicis.

De istorum Clericorum Regularium Congregatione notavi in Constit. XLII. Greg. XV. In Supremo. Tom. IV. Par. IV. fol. 404.

URBANUS EPISCOPUS

SERVUS SERVORUM DEI

Ad perpetuam rei memoriam.

Debitum pastoralis officii Nobis ex alto commissi requirit, Nosque ad id promptos excitat, ut Regularium studio piæ vitæ, & puerorum institutionis sedulo vacantium ne ipsi ab illis distrahantur, quantum cum Domino possumus libenter annuamus.

Exordium.

§.1. Exhibita siquidem Nobis nuper pro parte dilecti filii Ministri Generalis Religionis seu Congregationis Clericorum Regularium Matris Dei Scholarum Piarum nuncupatorum petitio continebat, videlicet, Clerici Presbyteri, alique Superiores, & persona d. Religionis, seu Congregationis a principio eisdem Religionis institutionis, ut juxta pium eorum institutum, a quibuscumque occupationibus expediti, puerorum in bonis literis, & probis moribus, ac Doctrina Christiana, aliisque piis, & salubribus documentis eruditioni, & instructioni, & animarum saluti consulere, & invigilare possint, ad publicas processiones, quæ in Civitatibus, & locis, in quibus ipsa Religio, seu Congreg. propagata est, celebrantur, & ab Ordinariis locorum indicuntur, convenire minime consueverint, nihilominus ipsius Religionis, seu Congreg. Clerici, Presbyteri, alique Superiores prædicti diversis in locis, ab eorundem locorum Ordinariis, processionibus huiusmodi, contra eorum instituta, etiam sub censuris ecclesiasticis, interesse, & eas passim comitari cogantur, unde non solum ab eorum piis exercitiis non parum retrahuntur, sed etiam gravissima jurgia, & dissensiones inter eos, & aliarum Religionum Fratres, seu Monachos super præminentia oriri consueverunt; Cum autem, sicut eadem petitio subijungebat eorundem Clericorum, Presbyterorum, Superiorum, & personarum institutioni, non conveniat ad similes processiones accedere, & propria eorum instituta prætermittere: ipsique pro fugiendis scandalis, quæ præcedentiæ huiusmodi causa inter

Causa hujus exemptionis.

CCCIX.

Exemptio de qua in Rubrica.

ter eos, & aliarum Religionum Fratres, seu Monachos huiusmodi intercedere possent, cupiant ab interessentia in processionibus publicis huiusmodi, ut infra, eximi, & liberari. Quare pro parte eisdem Ministri Generalis Nobis fuit humiliter supplicatum, quatenus in præmissis opportune providere de benignitate apostolica dignaremur.

§.2. Nos igitur qui iustis, & honestis penitentium votis libenter annuimus, eaque favoribus prosequimur opportunis, ipsos Ministri Generalem, ac Clericos, Presbyteros, Superiores, & Religionis, seu Congreg. Scholarum Piarum huiusmodi singulares personas a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodati existant ad effectum presentium dumtaxat consequendum, harum serie absolventes, & absolutos fore censentes, ex voto Congregationis Venerab. Fratrum nostrorum Sanctæ Romanæ Ecclesiæ Cardinalium Concilii Tridentini Interpretum, eidem Ministro Generali, ac Primod. Religioni, seu Congreg. illiusque Clericis, Presbyteris, Superioribus, & personis nunc, & pro tempore existentibus, quod ipsi extra Urbem videlicet ex nunc de cætero perpetuis futuris temporibus, in Urbe verò arbitrio dilecti filii nostri nunc, & Romani Pontificis pro tempore existentis Vicarii in d. Urbe in spiritualibus Generalis quibuscumque processionibus, & aliis quibuslibet actibus publicis quocumque tempore de more, vel consuetudine, aut alias pro tempore faciendis, & celebrandis, aut ab Ordinariis locorum quibusvis indicendis, interesse minime teneantur, nec ubique locorum per quoscumque Ordinarios huiusmodi, aliasque personas invitati cogi, aut compelli possint, auctoritate apostolica perpetuo concedimus, & indulgemus, ipsosque desuper ab eisdem Ordinariis, vel aliis personis molestari, perturbari, aut inquietari nullatenus umquam posse.

Decretum irritans.

§.3. Irritumque, & inane, si secus super his a quoquam quavis auctoritate scienter, vel ignoranter contigerit attentari decernimus.

Derogatio contrarium.

§.4. Non obstantibus quibusvis Apost. ac Synodalibus, Provincialibusque editis, & edendis Constitutionibus, & Ordinationibus, ceterisque contrariis quibuscumque.

Sanctio poenalis.

§.5. Nulli ergo omnino hominum liceat hanc paginam nostræ absolutionis, concessionis, indulti, & decreti infringere, vel ei ausu temerario contraire; Si quis autem hoc attentare præsumperit, indignationem omnipotentis Dei, ac Beatorum Petri, & Pauli Apostolorum ejus se noverit incursurum.

Dat. die 1. Junii 1629. An. VI.

Datum Romæ apud Sanctam Mariam Majorem Anno Incarnationis Dominicæ 1629. Kalendas Junii, Pontificatus Nostri Anno Sexto.

Absolvit Regem Catholicum, ejusque Ministros a censuris, in quas incurrerant ob exactum ante obtentum beneplacitum apostolicum ab Ecclesiis, & Ecclesiasticis Regnorum Castellæ, & Legionis subsidium octodecim millionum.

Ex Regest. in Secret. Breu.

Charissimo in Christo filio nostro Philippo Hispaniarum Regi Catholico.

URBANUS PAPA VIII.

Charissime in Christo fili noster, salutem, & apostolicam benedictionem.

§.1. Nuper a Nobis emanarunt Literæ tenoris subsequenti, videlicet: Charissimo in Christo filio nostro Philippo &c. Cum autem, sicut eisdem Majestatis tuæ nomine, Nobis nuper expositum fuit, Tu Gabellas, seu Sisas prædictas super vino, aceto, oleo, & carne in prædictis Castellæ, & Legionis Regnis pro servitio, sive subsidio decem, & octo millionum nummorum aureorum, juxta præsertarum Literarum formam, & tenorem persolvendo, & per Laicos subditos eorundem Regnorum Castellæ, & Legionis Tibi oblato impostas, etiam ab Ecclesiis, & ecclesiasticis personis eorundem Regnorum per Ministros, seu Officiales tuos antequam nostra, & Sedis prædictæ licentia, seu approbatio super præmissis accederet, per nonnullos menses exegeris, vel exigi feceris, contra sacrorum Canonum, & generalium Conciliorum, necnon Bullæ in die Cœnæ Domini legi, & publicari consuetæ dispositionem,

Cum Philippus Rex propter exactorem, sine Sedis Apostolicæ licentia, & approbatione, ab ecclesiasticis in censuras incurrit;

Eum absolvit Pontifex.

§.2. Nos Majestatis tuæ, ac Ministrorum, seu Officialium tuorum prædictorum conscientie consulere, Teque, ac illos specialibus favoribus, & gratis prosequi volentes, supplicationibus eisdem Majestatis tuæ nomine, Nobis super hoc humiliter porrectis, inclinati, Te, ac Ministros, seu Officiales tuos prædictos, a quibusvis excommunicationis, suspensionis, & interdicti, aliisque ecclesiasticis sententiis, censuris, & poenis per Te, ac Ministros, seu Officiales tuos prædictos, præmissorum occasione, quomodolibet incurris, modis, & formis infra scriptis, dicta auctoritate apostolica absolvimus, & liberamus, dictasque poenas, ac pecunias ad quamcumque summam accedentes ex Gabellis, seu Sisis huiusmodi per eisdem Ministros, seu Officiales tuos, ab Ecclesiasticis, ut præfertur, exactas, Tibi gratiose remittimus, & condonamus.

Mandatque per eum adimpleri poenitentiam a Confessario imponendam.

§.3. Volumus tamen, ut poenitentiam, quam Confessarius idoneus, omnino eligendus, Tibi, ac Ministris, & Officialibus prædictis, propter præmissa duxerit injungendam adimplere, omnino teneamini, aliis præfentes nullæ sint.

Per presentem absolutionem non intelligitur absoluitur ab a.

§.5. Non intendimus autem ex hac nostra absolutione, & condonatione inductam censuram, seu induci posse, futuris temporibus, aliquam etiam tacitam facultatem, vel appro-